



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXXXIII. Confirmatio Statutorum, ac Decretorum Capituli Generalis
Hoscen. Ordinis B. Mariæ de mercede Redemptionis Captivorum.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

& narratis, & pro meliori gubernio Religionis hujusmodi censuit prædictam Constitutionem, seu Statutum, juxta petita approbandam, & confirmandam esse, prout præsentium vigore approbati, & confirmati, eique Apostolicæ auctoritatis robur adjicit, suumque effectum sortiri decernit contrariis quibuscumque non obstant. Romæ 24. Novembris 1652. M. Cardinalis Ginettus.

Confirmat
prout in
rubr.

§. 3. Cum autem sicut prædictus Procurator Generalis nobis nuper exponi fecit, ipse Decretum hujusmodi pro firmiori substantia, Apostolicæ confirmationis nostræ robore communiri summo- perè desideret. Nos ipsum Procuratorem Generalem specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine, quavis occasione, vel causa, latis, si quibus quomodolibet innodatus existit, ad effectum præsentium duntaxat consequendum, harum seriè absolventes, & absolutum fore censentes. Supplicationibus ejus nomine Nobis super hoc humiliter porrectis inclinatis. Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus (salva tamen semper in præmissis auctoritate ejusdem Congregationis Cardinalium.)

Decretum
irritans.

§. 4. Decernentes easdè præsentis litteras semper firmas, validas, & efficaces existere, & fore, suoque plenarios, & integros effectus sortiri, & obtinere, ac illis ad quos spectat, & pro tempore spectabit plenissimè suffragari, & ab illis respectivè inviolabiliter observari. Sicque in præmissis per quoscumque Judices ordinarios, & Delegatos etiam causarum palatii Apostolici Auditores judicari, & definiiri debere, ac irritum, & inane, si secus super his à quocumque quavis auctoritate scienter, vel ignoranter, contigerit attentari.

Contrariis
derogat.

§. 5. Non obstantibus Constitutionibus, & ordinationibus Apostolicis, necnon quatenus opus sit Ordinis, & Congregationis Fratrum hujusmodi etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum ten. præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum, hac vice duntaxat specialiter, & expressè derogamus, cæterisque contrariis quibuscumque.

Dar. P. A. 3.
die 18. Dec.

Datum Romæ apud S. Mariam Majorem sub annulo Piscatoris, die 18. Decembris 1662. Pontificatus nostri Anno octavo.

CXXXIII.

Confirmatio Statutorum, ac Decretorum Capituli Generalis Hofcen. Ordinis B. MARIE de mercede Redemptionis Captivorum.

Vide aliam Confirmationem Statutorum ad Constit. 121. Urbani VIII. Sacri Apostolatus pro Fratribus Discalceatis hujus Ordinis.

Edita A. D.
1662.

ALEXANDER PAPA VII.

Ad futuram rei memoriam.

Exordium.

AD Pastoralis dignitatis fastigium, nullo licet meritum nostrorum suffragio, per ineffabilem divinæ bonitatis abundantiam evecti, illa, quæ pro felici, prosperoque Religiosorum viro- rum, qui è fluctibus sæculi in regularis vitæ portum confugerunt, assumptoque suavi Christi jugo, Altissimi obsequiis sese devoverunt, ac uberes bonorum operum fructus per Dei gratiam proferre jugiter satagunt, regimine, & gubernio pru-

dent, & saubriter constituta esse noscuntur, jibenter, cum id à Nobis petitur, Apostolici muniminis præsidio roboramus.

§. 1. Exponi si quidem Nobis nuper fecit dilectus filius Franciscus de la Rosa Vicarius Generalis Italiae, & Siciliae, ac Procurator Generalis totius Ordinis Fratrum B. MARIE de Mercede Redemptionis Captivorum, quod in ultimo Capitulo Generali dicti Ordinis in Conventu Hofcensi die 15. Octobris 1658. celebrato pro felici ejusdem Ordinis directione editæ fuerunt nonnullæ Constitutiones, quæ à Congregatione Venerabilium Fratrum Nostrorum S.R. Eccl. Cardinalium negotiis, & consultationibus Episcoporum, & Regularium præposita in nonnullis emendatæ sunt, tenoris qui sequitur, videlicet.

Primo ad pleniorè observationem motus proprii Sanctissimi fel. rec. Urbani VIII. de expulsi- one Regularium delinquentium, juxta id, quod simi- liter decretum est in Capitulo Generali Barba- strensi, & Murcienfi proximè celebrati prædictum Generale Diffinitorium decrevit designare, ac designavit in singulis Provinciis totius prædicti Ordinis sex Consultores, quatuor scilicet Provincie Diffinitores, & duos Diffinitores Generales, de quorum sex consilio Reverendissimus Magister Generalis possit in criminofos, & incorrigibiles expulsi- onis ferre sententiam.

Similiter autem decrevit quod ex ejuslibet prædictorum sex Consultorum defectu illius loco duo Electores Generales pro tali Provincia succedant, habita attentione, quod dignior prius designatus minus digno intelligatur.

Item decrevit prædictum Generale Diffinito- rium, quod in omnibus Provinciis Patres Diffini- tores earum, necnon Diffinitores, & Electores Ge- nerales, dum prædictis officiis funguntur, omni- bus exemptionibus, gratiis, & privilegiis Magi- strorum de numero gaudeant.

Item habita consideratione laborum, quos Pa- tres Vocales ad Capitulum Generale Barbastrense, & Murcienfe proximè celebratum concu- rentes, hyemalibus molestiis glaciæ, nivium, fluminumque inundantium in itineribus sunt pas- si, quin & Vocales ad Capitulum Generale Bar- chinonense præteritum convocatos canicularibus ferventis solis caloribus summo perie vexatos fuisse, idemque semper inanimè periculum, & alia ma- xima incommoda, ut si contingat in majori heb- domada celebrari, providè, prudenterque timeri, si Capitula Generalia futura (juxta De- cretum Capituli Generalis Toletani à Sanctiss. D. N. Urbano Octavo confirmatum, Magistratu Ordinis quovis modo vacante, quatuor solum mensibus expletis, quocumque anni tempore ac- cidat, celebretur: prædictum Generale Diffinito- rium tot calamitatibus occurrere satagens, earum- que pressuram evadere cupiens, seria, & matura attentione decrevit, ut in posterum Capitu- lum Generale Magistratu Ordinis quovis modo vacante, si per quatuor menses ante Festum Pentecostes id evenierit, in vigilia dicti Festi ce- lebretur, si autem successerit mors Magistri Ge- neralis, vel alia (ut præfertur) vacatio intra tempus quatuor mensium ante dictum Festum, tunc ad Sabbathum Dominicæ tertiæ Octobris ejusdem anni celebratio Capituli Generalis diffe- ratur; & similiter si Magistratus vacatio prædicta per quatuor menses ante dictum Sabbathum Do- minicæ tertiæ Octobris acciderit, in tali Sab- batho dictæ Dominicæ celebretur; Si autem intra tempus quatuor mensium ante dictam Dominicam tertiam Octobris contigerit, tunc ad Sabbathum, seu vigiliam Pentecostes ani- ni immediatè futuri transferatur: Insuper- que decrevit prædictum Generale Diffinitorium propriis inhaerendo Constitutionibus celebratio- nem Capitulum Generalium, semper in Sab- batho, & non alia die fieri debere; Unde in hunc

Sequuntur
Decreta.

Generale
Capitulum
quando ce-
lebrandum.

finem

finem, & pro majori declaratione præfati Decreti, statuit, quod si quatuor menses à vacatione Generalatus expleantur ante sabbathum Pentecostes, celebratio Capituli fiat in sabbatho Pentecostes, & similiter si expleantur ante Dominicam tertiam Octobris, celebratio Capituli fiat in sabbatho ante Dominicam prædictam tertiam Octobris; si verò quatuor menses à vacatione Generalatus expleantur post Festum Pentecostes, intra octavam tamen dicti Festi, celebratio Capituli Generalis fiat in sabbatho ante Dominicam Sanctissimæ Trinitatis, & similiter si prædicti quatuor menses dictæ vacationis expleantur post dictam Dominicam tertiam, infra octavam tamen illius, celebratio Capituli Generalis fiat in sabbatho primo post dictam tertiam Dominicam Octobris, & non ultra, ne ob tam paucos dies electio Magistri Generalis in tam longum tempus differatur, interim autem donec Capitulum Generale, novaque electio fiat, Prior Monasterii Barchinonensis semper sit Caput, & Vicarius Generalis totius Religionis. Prædictumque Generale Diffinitorium suppliciter, & humiliter exorat Sanctissimum Dominum Nostrum Papam hujusmodi Decretum pro sua benignitate confirmare, & præfatum dicti Capituli Generalis Toletani ad ipsius instantiam confirmatum à Sanctissimo Urbano Octavo, prout huic contrariatur, derogare dignetur.

Provincialia
Cap. quando celebranda.

Item prædictum Generale Diffinitorium decrevit, ut deinceps in perpetuum celebrentur Capitula Provincialia verno tempore circum circa Dominicam Cantate Sabbatho ante ipsam, & quod si in dicto tempore Magistratus Ordinis vacaverit, Capituli, vel Capitulum Provincialium celebratio usque ad aliam Dominicam Cantate, immediate futuram prorogetur; Ut sic fiat conformius Constitutionibus Religionis, juxta caput quartum secundæ distinctionis; ubi sic, Religio (vacante, scilicet, quovis modo Magistratu Ordinis) in eodem prorsus statu perseveret, sicut fuerat ante vacationem Magistratus, & in cap. 6. ejusdem distinctionis de Capitulo Provinciali sic celebretur tamen prædictum Capitulum in Dominica Cantate, in qua futuris temporibus in toto ordine celebranda sunt inviolabiliter Capitula Provincialia.

Contributiones in duas partes dividendæ.

Item prædictum Generale Diffinitorium utilitati Provinciarum Novæ Hispaniæ, & del Perù in Regnis Indiarum Occidentalium, earumque levamini consulens, nec superfluis sumptibus, & contributionibus nimis graventur, decrevit, ut de cætero contributiones pro Vestiaris Magistri Generalis in illis Provinciis fieri solitæ, minime fiant, sed pro Vestiaris Magistri Generalis, & sumptibus Procuratoris Generalis Curia Romanæ, & negotiis, seu litibus in ea concurrentibus, designavit prædictum generale Diffinitorium medietatem contributionum, quæ in illis Provinciis pro Vestiaris suorum Vicariorum Generalium sunt juxta ea, quæ fieri consueverunt, ita ut tales Contributiones in duas æquales partes dividantur, quarum una Magistro Generali in Hispaniam mittatur, altera vero ipsis Vicariis Generalibus pro sui Officii sumptibus designetur.

In vacantia graduum diffinitorium provinciæ.

Item cum dubitatum fuisset in prædicto Diffinitorio ad quem facultas exponendi ad Religionis gradus attineat; Post disertam jurum inquisitionem declaratum fuit, pertinere ad quodlibet Diffinitorium cujuslibet Provinciæ, non solum approbationem lecturæ, vel prædicationis ad prædictos gradus, sed facultatem exponendi ad illos. Quia tamen expositio ad futuram vacantem ex Decreto Sanctiss. Pauli Quinti est prohibita, similiter declaravit prædictum Generale Diffinitorium (ne gradus suspensi per longum tempus mancant, ex quo plura prævidentur bono regimini imminuentia damna, & ne Religiosi, aliis idonei, & approbati illis orbentur usque ad Capitulum futurum) posse Dif-

finitorium Provinciale prædictam facultatem exponendi, quæ jure nostrarum Constitutionum Diffinitorio Provinciali privative competit concedere Reverendissimo Patri Magistro Generali, ut quoties graduum vacatio contigerit, possit exponere ad talem determinatam vacantem quemlibet ex approbatis à Diffinitorio Provinciali.

Insuper decrevit prædictum Generale Diffinitorium ita, & juxta hoc Decretum disponendum fore caput vigesimum quintum nostrarum Constitutionum de Magistris, & Præsentatis.

Item confirmavit prædictum Generale Diffinitorium, quod jam decretum est in Capitulis generalibus Plobrensi, Barbastrensi, & Murcienfi proximè celebratis circa facultatem, & potestatem R. P. Prioris Barchinonensis Magistratu vacante, tanquam Supremi Religionis Capituli, & Vicarii generalis totius Ordinis, de, & super confirmatione Graduum vacantium tempore sui Regiminis, & prædictum Diffinitorium generale, nemine discrepante, declaravit R. P. Priorem Barchinonensem ratione sui Officii prædicti habere sufficientem facultatem, & auctoritatem ad confirmationem Graduum conferendam jure nostrarum Constitutionum dist. 2. cap. 4. his verbis: Viceque, & potestatem Magistri generalis in omnibus, prout in his Constitutionibus sancitur, habeat.

Item desiderans prædictum generale Diffinitorium inter Patres Principatus Cataloniae, & Aragoniæ jurgia sedare, & pacem stabilire, decrevit, ut de cætero in Capitulis Provincialibus Provinciæ Aragoniæ eligatur ad minus unus ex Patribus Principatus Cataloniae in Diffinitorem Provinciale, item decrevit prædictum Generale Diffinitorium ad perpetuam rei memoriam, quod tam Reverendissimus Magister Generalis, quam Provinciales, Commendatores, & Vicarii Generales in sine quarumcumque literarum patentium, & aliarum Testimonialium Scripturarum, Professionum &c. hoc utantur stylo, ut post numeratum Domini annum, similiter scribere debeant annum foundationis Ordinis his verbis, à foundatione nostri Ordinis anno N.

Item prædictum Generale Diffinitorium decrevit quod in die Sabbathi cujuscumque hebdomadæ post Primam, secundum antiquam Religionis consuetudinem, inviolabiliter celebretur Missa de Beata Virgine in omnibus Conventibus totius Ordinis juxta Ritum Romanum, cui intersint omnes Religiosi cujuscumque gradus, aut qualitatis, extiterint Reverendiss. Magistro Generali non excepto; Similiter eadem die post completorium ad cantandum Antiphonam Salve, in Capella majori Ecclesiæ conveniant.

Item decrevit, quod eadem suffragia, quæ pro quolibet Religioso Professo decedente celebrantur, ac debent celebrari, eadem etiam pro Religioso Novitio defuncto celebrentur; Rursusque Commendator Domus, ubi aliquis Religiosus, tam Professus, quam Novitius obierit, quamprimum poterit, certiores faciat, tam Provinciale, quam Commendatores illius Provinciæ de Fratris morte, nomine, & officio, ut pro illo supra posita suffragia fiant, tenenturque Commendatores, seu Prælati Conventuum nomen defuncti Fratris scribere in tabella ad hunc effectum in Choro, vel in Sacristia destinata, & in solito triennio retinenda, & renovanda, quam debeant Visitatores in suis Visitationibus sedulo examinare; & an suffragia pro defunctis sint integrè perfoluta; Similiterque audita morte Sanctiss. D. N. PP. in singulis Conventibus nostri Ordinis solemnes exequiæ pro ipso fiant, idemque pro Eminentiss. Domino Cardinali Nostræ Religionis Protectore; & pro Rege, & Regina Catholicis totius Religionis Patronis, & Fundatoribus fiat. Qualibet feria secunda (tempore Paschali excepto) post primam cantetur Missa quotidiana Defunctorum, qua fi-

Missa de B. Virgine quolibet Sabbatho celebranda.

Missa pro Fratris defunctis celebranda.

nita fiat processio secundum antiquam consuetudinem Religionis, quod si dicta feria secunda aliquo Festo solemniter impedita fuerit, in tertiam, vel quartam feriam transferatur, ut in Ceremoniali nostri Ordinis notatur.

Item cum ex nostris Constitutionibus quotidie bis mentaliter orare teneamur, decrevit prædictum Generale Diffinitorium tempus primæ orationi toto anni tempore dimidiam saltem horam immediatam antè primam destinare, taliter quod primo manè omnes Fratres in Choro conveniant, ubi genibus flexis, invocato Spiritu Sancto Antiphona, Veni Sancte Spiritus, reple tuorum corda fidelium, & tui amoris in eis ignem accende. Sub tuum præsidium confugimus Sancta Dei Genitrix, nostras deprecationes ne despicias in necessitatibus, sed à periculis cunctis libera nos semper, Virgo gloriosa, & benedicta. Vers. Emitte Spiritum tuum, &c. Ora pro nobis Sancta Dei Genitrix, &c. Salvos fac servos tuos, &c. Domine exaudi, &c. Dominus vobiscum &c. Oremus, Deus qui corda fidelium, &c. Deus virtutum, cujus est totum, quod est optimum insere pectoribus nostris amorem tui Nominis, & præsta in nobis Religionis augmentum, ut quæ sunt bona nutrias, ac pietatis studio, quæ sunt nutrita custodias. Defende quæsumus Domine Beata Maria semper Virgine intercedente istam ab omni adversitate familiam, & toto corde tibi prostratam ab hostium propitius tuere clementer insidiis. Per Christum Dominum nostrum. Amen. Secundo etiam conveniant post completorium, factoque saltem post dimidiam Orationis horam signo à Prælato, Hebdomadarius incipiat Antiphonam. Conceptio tua Dei Genitrix Virgo gaudium annuntiavit universo mundo, ex te enim ortus est Sol Justitiæ Christus Deus Noster, qui solvens maledictionem dedit benedictionem, & confundens mortem donavit nobis vitam sempiternam, prout in Rituali Ordinis notatur, & cum hoc ita decretum sit in aliis Capitulis Generalibus, nempe Bibilitano, Hobrensi, & Burtinensi, juxta ipsum ordinanda est Constitutio ubi designat tempus Orationis immediatè post Nonam, vel Matutinas.

Item præter disciplinas à Constitutione assignatas, & eas quæ sunt quarta, & sexta feria per totum quadragesimale tempus decrevit prædictum Generale Diffinitorium, quod omnibus feriis sextis per totum Adventum servari à Religione stabilitum, Vespere omnes Fratres conveniant in Choro, vel Ecclesia, & ibi communem faciant disciplinam, similiterque alias communes, disciplinas, quibus in pluribus Conventibus nostri Ordinis magno proventu, ac ædificatione Religiosi se exercent, prædictum Generale Diffinitorium laudavit, & approbavit.

Item statuit, quod præter jejunia in nostris Constitutionibus statuta, teneantur jejunare omnes Fratres (ut est laudabilis, & antiqua consuetudo Religionis) in omnibus Vigiliis Festivitatum Beatæ Mariæ Virginis, Domine, ac Patronæ Nostræ, & in Vigilia Sanctiss. Patriarchæ nostri Petri Nolasci.

Item decrevit, quod Commendatores, seu Prælati Conventuum nunquam à refectorio absint, nullumque Religiosum, tam ex Magistris, quam ex Præsentatis abesse permittant; quod si Commendator, seu Prælati Conventus crebro, & sæpius à Refectorio abfuerit, Officio, & commenda privetur.

Item decrevit, quod PP. Commendatores provideant Religiosis omnia necessaria ad vestitum, & ille, qui habitum integrum in triennio, & calceamenta toties, quoties opus, & requisitus fuerit, suis subditis non dederit, puniatur in Capitulo Provinciali ad Arbitrium Diffinitorii, & sit inhabilis ad cæteras Prælaturas.

Præterea pro notitia cap. 16. primæ distinctio-

nis nostrarum Constitutionum, & sequentium; ubi de levi culpa, de gravi, graviore, & gravissima culpa agitur, declaravit prædictum Generale Diffinitorium, notari debere materiam ejusdem delicti dici puniendam pœnis gravis, vel levis culpæ, quod debet intelligi (ne videatur inconfidentia, vel oppositio Constitutionum) juxta gravitatem, vel levitatem materiæ, quæ in moralibus aggravant, vel diminuant culpam. Et insuper decrevit debere prædictis Capitibus addi pœnas, quæ per varia capita nostrarum Constitutionum sunt dispersa, vel diminuant culpam. Et insuper colligendo cum relatione ad proprias, & congruas Constitutiones, ut facilius in promptu habeantur, ut statutum fuit in Capitulo Generali Murcienfi.

Item decrevit, quod Religiosus, qui ea delicta commiserit, quibus pœna in Constitutionibus declarata debetur, si triremium, de sententia juridica Generali Magistris, aut Provincialis cum duobus Diffinitoriis, vel Prælati, ad triremes mittatur, tempore pro qualitate criminis debito, non per expulsionem à Religione, sed per exspoliationem Habitus: transacto verò tempore pœnitentiæ redire tenetur ad Religionem, & se suis Prælati præsentare, ut de ejus Conventualitate provideant, & tunc inter reliquos Fratres Habitu eodem indutus commoretur.

Præterea decrevit, quod nemo Religiosorum possit habere redditus annuales, seu census nisi de licentia Sedis Apostolicæ, juxta Constitutionem Sanctissimi Domini Urbani Octavi, quod si secus fiat, qui habuerit, ipsis statim privetur, & applicentur Conventibus, seu Monasteriis, quibus ex vi Constitutionis pertinent.

Item quia capite vigesimo tertio primæ distinctionis de recipiendis ad Ordinem habetur quod nullus recipiatur in Ordine, nisi de consensu majoris, vel sanioris partis Conventus decrevit prædictum Generale Diffinitorium, quod illa clausula, vel sanioris partis, deleatur, semper enim debet recipi, qui recipiendus fuerit de consensu majoris partis.

Item decrevit, quod nullus Religiosus alienæ Professionis cujuscumque qualitatis, aut conditionis extiterit (exceptis Nobilibus Militaribus) possit ad nostram Religionem admitti, super quo taxatur Magistro Generali, Potestas, similiter Magistro Generali, & Procuratori Generali in Romana Curia taxatur potestas suum præbendi consensum, super transitu Religiosorum ex Discalceata ad nostram primitivam, seu de Observantia Familiam. Insuper nullus ad habitum nostræ Religionis admittatur, nisi prius de genere, moribus, & vita accurata, & fide digna informatione, ac aliis, quæ expressè habentur in nostris Constitutionibus prædicto capite 23. Commendatori, & Communitati plenè illius Conventus, ubi recipiendus est, clarè constet.

Præterea observari præcipimus Decretum ex Motu proprio Sanctissimi Domini Sixti Quinti, quo decrevit, quod nullus ex sacrilego, aut incestuoso concubitu usque ad tertium consanguinitatis, vel affinitatis gradum natus ad Habitum admittatur, neque ad Professionem in aliqua Religione, quod si secus fiat, Professionem decernit esse nullam, eosque facit inhabiles ad profitendum, & ad ascendendum ad quoscumque gradus, & dignitates, reliquosque illegitimos ex alio thoro natos, spurios, vel naturales, etiam alias legitimos ad Religionem admitti non posse, aut debere, nisi prius illorum vita, & moribus diligenter cognitis, & circumstantiis universis fide dignis Testimoniis; ita ut eorum receptio videatur profutura universæ Religionis commodo, & utilitati ejus, super quo in Generali, vel Provinciali Capitulo matura deliberatione habita unanimitate consensu Diffinitorium, & Provincialis, vel Generalis ad habitum Regularem approbentur. Et ni-

Oratio post
Primam, &
Complet.
facien.

Disciplina
facienda.

Jejunia.

Vestiarium.

Ad Trire-
mes.

Reditus
prohibiti.

Receptio
Novitio-
rum.

Super tran-
situ Reli-
giol.

hominibus hi sic recepti ad gradus, honores, & dignitates Ordinis perpetuo sint inhabiles, nisi à Sancta Sede Apostolica specialiter dispensentur cum eis.

Præterea declaramus Vicarios Conventuum non esse Prælatos cum sufficiente auctoritate, & potestate ad admitendum, vel tradendum habitum Novitiis, poterit tamen, si sit Præfident in capite, vacante officio Commendatoris, etiam si sit per suspensionem ab Officio, cæteris ut supra concurrentibus.

Vicarii Con-
ventuum.

Insuper decrevit prædictum Generale Diffinitorium, quod in prædicto capite 23. de recipiendis ad Ordinem, ubi dicitur: & tempus probationis assignetur ei (Novitio scilicet) à Prælato, addatur: juxta Decretum Sacrosancti Concilii Tridentini sessione vigesima tertia, & de jure, quod est integer annus, post quem immediate Novitius est admittendus.

Professio
Novitio-
rum.

Item decrevit prædictum Generale Diffinitorium, quod in capite vigesimo quinto prædictæ primæ distinctionis, ubi agitur de Professione, addantur hæc: & similiter irrita, & nulla sit Professio illorum, qui ex sacrilego, aut incestuoso concubitu usque ad tertium consanguinitatis, vel affinitatis gradum sunt nati, juxta Motum proprium fel. rec. Sixti Papæ V. quem Generale Capitulum Murcense in Ordine Nostro servari decrevit. Et pariter sit irrita, & nulla Professio illorum, qui in alia Regulari Religione fuerint professi juxta Decretum Capituli Generalis Toletani à Sanctissimo Urbano Octavo confirmatum; si vero tacita veritate, vel expressa falsitate hujusmodi defectus habentes professionem emiserint, quocumque tempore id cognoscatur ab Ordine Nostro, penitus tanquam non professi expellantur.

Contra de-
fraudantes
bona Redem-
ptionis.

Item decrevit prædictum Generale Diffinitorium, quod qui bona Redemptionis in aliquo defraudasse repertus fuerit, non solum voce activa, & passiva in perpetuum privatus existat, sicut inter alias poenas cap. 28. primæ distinctionis nostrarum Constitutionum statuitur, sed illum sic delinquentem, nec Provincialis, nec Generalis Magister ad tales voces restituere, & ab ea poena liberare possit, nisi solum universum Diffinitorium Generale unanime, & conforme, ac nemine discrepante, & nisi restitutus ablati, & similiter decrevit, quod bona Redemptionis nequeant à Conventibus pretio comparari, nisi infra viginti quatuor horarum spatium pretium pro emptione in communi deposito prædictæ Redemptionis reponatur; quod si contrarium per aliquos Prælatos fiat, poenis in prædicta Constitutione assignatis subjaceant.

Insuperque declaravit prædictum Generale Diffinitorium, quod poenæ Constitutionum in Bona Religionis defraudantes, non tantum sunt excommunicati, & privatio vocis activæ, & passivæ, sed etiam privatio Officiorum in tota Religione, & ita sunt in posterum intelligendæ, & insigendæ.

Item quia Statutum est à Capitulo Generali Toletano, & à Sanctissimo Urbano Octavo fel. recordat. confirmatum, quod si quando Officium Generalatus vacaverit, & fuit notificata vacatio Conventui Barchinonensi, non sit Prior electus tenentur Patres Conventuales dicti Conventus intra spatium viginti quatuor horarum Priorem de more, juxta Constitutiones eligere; Decrevit prædictum Generale Diffinitorium, quod si fecus fecerint, in Gubernium Religionis, & Officium Vicarii Generalis succedat Provincialis, aut Vicarius Provincialis in Capite illius Provinciæ, ubi erit celebrandum Capitulum Generale immediate futurum. Deficiente vero Provinciali, aut prædicto Vicario Provinciali, succedat Commendator illius Domus, in qua celebrandum est præ-

dictum Capitulum. Quod similiter observandum est, si Prior Barchinonensis, tempore, quo Magistratus vacaverit, fuerit legitime impeditus gubernio Religionis juxta Decretum Capituli Generalis Bilbilitani, à Capitulis Hofcensi, Barbafrrenti, & Murcienfi confirmatum.

Item cum servari debeat alternativa in Officio Magistri Generalis, taliter, quod una vice sit ex Corona Aragoniæ, & Galliæ, ac Italiæ, altera ex Corona Castellæ inclusis Provinciis Vandalæ, & Indiarum ex Decreto Sanctiss. Clementis Octavi fel. record. prædictum Generale diffinitorium decrevit, quod si Magister electus obierit ante absolutionem Capituli suæ electionis, non judicetur ejus alternativa expleta, sed secundum eandem debeat de novo fieri electio Magistri Generalis, quæ prædicta alternativa debet intelligi ex filiis cujuslibet Provinciæ in ipsa inclusa, qui in ea Professionem emiserunt, non tamen adoptati hujusmodi enim nullatenus tali alternativa possint gaudere: consequenterque tempus vacantis, & Officii Vicarii Generalis minime tenetur expectari de novo, casu quo Magistratus, ut dictum est ante absolutionem Capituli suæ electionis vacaverit.

Alternativa
Magistri Ge-
neralis.

Item quia in capite secundo, secundæ distinctionis nostrarum Constitutionum, ubi agitur de vacatione Magistratus, non exprimitur peculiaris vacatio, quæ potest fieri per renunciationem declaravit prædictum Generale Diffinitorium, posse Magistrum Generalem libere renunciare Magistratum, nulla alia causa adhibita, nec desiderata, quæ renunciatio poterit ab ipso, vel per se, vel per Procuratorem suum legitimum fieri, & erit sufficiens, si coram Provinciali, Diffinitoribus, & Electoribus Generalibus illius Provinciæ, in qua extiterit, fiat: dummodo Secretarius Religionis Testimonio fidem faciente, eam testificetur, quod Testimonium Commendator Domus, vel Secretarius per Nuncium specialem ad Priorem Barchinonensem, vel ad quem Officium Vicarii Generalis spectaverit, mittat, qui statim vacationem Magistratus omnibus Fratribus domus illius, in qua fuerit in Capitulo congregatis, prædicto Testimonio fidem faciente, manifestet, & tunc ab omnibus, solemniter obedientiam recipiat coram tali Nuncio de omnibus his testimonia fide digna recipiente, ut de anno, die, & hora possessionis Officii Vicarii Generalis omnibus iudice constet, quamprimumque talis Vicarius Generalis ad omnes Provincias literas suas Patentes, tam obedientiæ, quam convocationis ad Capitulum Generale celebrandum transmittat, & consequenter prædictum Generale Diffinitorium declaravit quod in capitibus nostrarum Constitutionum, ubi exprimuntur causæ vacationis Magistratus, ut decessus, &c. addatur, & exprimat haec peculiaris nempe renunciatio.

De vacatio-
ne Magistra-
tus.

Insuper declaravit prædictum Generale Diffinitorium (ad omnem ambiguitatem tollendam) quod tempus Gubernii Vicariatus Generalis totius Ordinis non habeat locum, nec habere possit, casu quo expleatur electionis sexennium. Præterea declaravit, quod & si jure nostrarum Constitutionum omnes Vocales Capituli Generalis convocati judicentur ad Capitulum Generale, quando expletur sexennium, Magister tamen Generalis tenetur opportuno tempore illos ad celebrationem dicti Capituli convocare.

Item cum præter Electores Magistri Generalis à Constitutione capite tertio, 2. distincte determinatos, duo alii in qualibet Provincia designentur, & canonica electione similiter per secreta suffragia eligantur ex decreto Capituli Generalis Matritensis à subsequentibus, & diuturna consuetudine confirmato, ita, utin qualibet Provincia quinque sint Electores suffragium habentes in Capitulo Generali, Provincialis nempe, & quatuor Socii,

Electores.

quorum duo titulo diffinitorum, alii verò Electorum Generalium gaudent, decrevit prædictum Generale Diffinitorium, quod qui titulo Electorum designantur tantum habeant suffragium in qualificatione Vocalium ante electionem, & in electione Magistri, ac Domus Capitularis, non autem in aliis Diffinitoriis, servando in hoc consuetudinem Religionis à Capitulo Generali Murcienfi approbatam, & confirmatam: & similiter, quia dicti Diffinitores, & Electores Capituli Generalis debent esse gradu Magisterii, vel Præsentaturæ insigniti, vel saltem per viginti annos à professione antiqui, ut in electione Magistri possint habere suffragium, juxta Decretum Capituli Generalis Barchinonensis à subsequenter confirmatum, & observatum, decrevitque prædictum Generale Diffinitorium, quod tempus prædictæ antiquitatis viginti annorum per authenticum, & fide dignum transcriptum Professionis constare debet.

Procurator
Rom. curia.

Item cum quicumque in Romana Curia in Officio Procuratoris Generalis strenuè, & cum approbatione communi per quinquennium se gesserit, si fuerit Magister, vocem habeat in Capitulo Generali proxime immediatè futuro ex decreto Capituli Generalis Tolentani à Sanctissimo Urbano Octavo confirmato, decrevit prædictum Generale Diffinitorium, quod talis Procurator Generalis non tantum habeat vocem in electionibus Capituli Generalis, verum etiam in omnibus Diffinitoriis illas subsequentibus usque ad absolutionem Capituli, cum præcedentia loci ad omnes Diffinitores Generales.

Subrogatio.

Item prædictum Generale Diffinitorium approbavit, ac confirmavit Statutum Capituli Generalis Murcienfis, quo decernitur, quod in electione Diffinitoris, vel Electoris Generalis loco illius, qui morte, vel impedimento legitimo Capitulo Generali assistere nequit, quæ à Diffinitoribus Provinciae simul cum Provinciali fieri debet, vocem habeat Magister Generalis, si præfens fuerit, minimè tamen Vicarius Generalis Ordinis, qui loco Magistri succedit.

Vicarius
Capituli
Gen.

Item approbavit, & confirmavit prædictum Generale Diffinitorium Statutum Capituli Generalis Murcienfis, quo decernitur, quod non possit Vicarius Generalis, aut Provincialis à die vacationis Magistratus usque ad novam Magistri Generalis electionem, aliquem Electorem voce activa privare, quod etiam extendit hoc prædictum Generale Diffinitorium ad vocem passivam, quod si ratione alicujus delicti, vel ob alias causas sit inhabilis, & suffragandi actione ex jure communi, vel nostrarum Constitutionum careat à Capitulo Generali ante electionem accuratim scrutetur, ac decidatur.

Item cum omnes Vocales Capituli Generalis, ut moris est, die immediatè præcedenti ad diem Electionis in Conventu designato ad illam conveniant, ibi à Præfide Ordinis, & Capituli benigne suscipiantur, & Vicarius Capituli nominetur qui jurisdictionem ordinariam super omnes Capitulares, & alios Fratres ad Capitulum concurrentes exercebit, talis autem Vicarius est eligendus ex Capitularibus illius Provinciae, in qua celebratur Capitulum Generale, Vir providus, Religiosus, pacificus, & virtute præditus, quam consuetudinem approbavit, ac confirmavit Capitulum Generale Murcienfe, & hoc prædictum Generale Diffinitorium decrevit servari.

Eadem autem die qua prædicti Vocales ad electionem in præfato Conventu convenierint, Vespertina sessione congregata, & facta commemoratione pro Sanctissimo Domino Nostro Papa, & felici statu Ecclesiae, & pro Rege, pro Benefactoribus Ordinis, & capitivis Christianis vivis atque defunctis, prout in capite decimo-septimo de Capitulo quotidiano in nostris Constitutionibus statui-

tur, Præfens electionis brevem, & piam Orationem habeat, qua Patres Electores de sine conventionis moneat, simulque ad electionem novi Magistri Generalis rectè, legitime, & canonicè peragendam, hortetur, virtutesque, prudentiam, & doctrinam viro eligendo necessarias exponat, qua peracta, ad examen Vocalium procedat, & primò præcipiat, idque secundo, & tertio moneat, ut si quis aliquem Vocalium in Diffinitorio aliquo impedimento legitimo, vel censura Ecclesiastica innodatum (ratione cujus in electione non habeat suffragium) assistere sciverit, continuo manifestet.

Quod si aliquis reperitur, & sufficienter probetur, tale pati impedimentum à Diffinitorio declaretur, & de Capitulo ejiciatur ita, ut in hac sessione omnes Vocales examinentur, & ad futuram die sequenti electionem certo numero statuantur. Et die sequenti primo mane ad auroram omnes Vocales legitima voce ad electionem prædie designati in loco Capitulari conveniant, ibique celebretur Missa Spiritus Sancti, & Concio litteralis Latino idioma ad Electores habeatur, exhortando eos ad rectam, & bono communi utilem electionem, qua finita omnes flexis genibus Hymnum, Veni Creator Spiritus, cantent, & Præfens surgens dicat: Emitte Spiritum tuum &c. Dominus vobiscum &c. Oremus, Deus qui corda fidelium &c. & sic ad electionem procedatur forma Juris, juxta nostras Constitutiones servata, Magister Generalis post electionem usque dum à Sancta Sede confirmationem sui Officii obtineat, eo fungatur, non tantum sub titulo Vicarii Generalis, ut in Constitutionibus sancitur, sed etiam Generalis electi ex consuetudine Religionis ab hoc prædicto Generali diffinitorio approbata, & confirmata.

Circa quod est observandum, ut omnis ambi-
gendi locus relegeatur, quod si numerus suffragiorum sit impar, verbigrati, si Vocales sint viginti & novem (qui numerus ex duabus partibus inaequalibus constat, quarum una habet quindecim, alia verò quatuordecim) ille qui habuerit quindecim suffragia, dummodò non sit ex numero eligentium, sit legitime electus, si verò ex numero illorum sit indigeat alio suffragio ultra quindecim, ut suum ipsius suffragium sibi profuisse non aestimetur; si autem in aliqua scheda, seu suffragio Scrutatores reperiant aliquam subscriptionem, vel signum, aut Chirographum, ratione cujus deveniant in cognitionem eligentis, vel si nihil reperiant scriptum, aut si ali-
quod suffragium in favorem alicujus inepti reperiant, non propterea aliquod præjudicium electioni sequatur; sed talis scheda subscripta, signata, vel albo, vel in favorem inepti separatur, & pro suffragio cassato reputetur, & habeatur, ac postea cum cæteris comburatur, quæ omnia servari debent, tam in prædicta electione Magistri, quam in electione Provincialis, ac in omni electione canonicè faciendâ.

Item prædictum Generale Diffinitorium confirmavit, quod Capitulum Generale Murcienfe erga Officium Magistri Generalis decrevit, nempe quod Magister Generalis in toto Ordine Generalem habeat potestatem: illam (inquam) quæ jure Superioribus cujuscumque Religionis est concessa, & imposterum concedenda ad omnia, ad quæ ex nostris Constitutionibus, non limitatur, curamque præcipuam totius Ordinis, & administrationem gerat. Undè per se solum eam potestatem in toto Ordine habeat in omnibus, & singulis, quam Provincialis in sua Provincia, & Comendator in sua commenda. Insuper eam, quæ ad rationem sui Officii ex jure communi, ex privilegio, vel ex nostris Constitutionibus ad eum spectat, verum tamen in inferiorum Prælatorum Ministerio non se immisceat, nisi vel ob eorumdem defectum, vel cum prudentia, & quando

De Electio-
ne Magistri
gen.

Electio fit
per excel-
sum.

ratio id postulaverit, semper tamen inferiores illi parere teneantur, & licet capite trigesimo primo de modificatione poenarum primæ distinctionis nostrarum Constitutionum detur facultas Magistro Generali dispensandi, & mitigandi in poenis à Constitutionibus taxatis, monetur tamen nè liberè, & cum facilitate dispense, nisi transacta jam majori parte poenitentiae, prævisisque in poenitentibus manifestis, & evidentibus signis doloris, & correctionis.

Juramentum Generali præstantium.

In juramento à Generali electo post electionem juxta nostras Constitutiones præstando, debet addi, & jurare tenetur, se observaturum capita Concordiæ inite cum familia Discalceata circa Ministerium Redemptionis, prout in ea continentur. Potest Magister Generalis præsidere in Capitulis Provincialibus, per se ipsum, vel per Vicarium suum idoneum, & prudentem ad hoc specialiter deputatum, & primam vocem habebit, tam ipse, quam ejus Vicarius in omnibus electionibus, Ordinationibus, & Diffinitoriis faciendis usque ad absolutionem Capituli.

Tempore electionis poterit Magister Generalis convocare ad celebrationem Capituli Provincialis omnes Vocales illius Provinciae, litteris convocatoriis, eas mittendo immediate Provinciali illius Provinciae, ut eas contumud manifestet, & notas faciat in Capitulo pleno Conventus, ubi præsens extiterit, deinde eas ad omnes alios suis consuetis Itinerariis mittat. Si autem Magister Generalis, aut ejus Vicarius fuerit in aliquo conventu illius Provinciae, ubi tale Capitulum celebrandum sit, prius prædictæ litteræ convocatoriæ notæ fiant prædicto Conventui in Capitulo pleno, & postea eas mittat, ut dictum est.

Quod si Magister Generalis hujusmodi litteras convocatorias opportuno tempore (duobus inquam mensibus immediatis ante complementum triennii) non miserit Provincialis, & ejus defectu Vicarius Provincialis suis litteris ad celebrationem dicti Capituli convocare poterit, eadem facultas Vicario Magistri in Præfide Capituli nominato conceditur. Magister Generalis in concurrentia Capitulum Provinciale, potest quodlibet eorum per quadraginta dies à complemento triennii quocumque annitempore antepone, vel postponere, & uni, & alteri interesse possit ex Decreto Sanctissimi fel. rec. Clem. VIII. & nova declaratione S. C. R. sub die duodecima Decembris, de anno millesimo sexcentesimo quadagesimo quinto quæ facultas etiam conceditur ab hoc Generali Diffinitorio, Decretum Capituli Generalis Murcienfis confirmando, prædicto Magistro Generali, quamvis non sit concurrentia Capitulum, sed unicum tantum celebrandum, si alias expedire visum fuerit.

Ad Magistrum pertinebit (juxta Constitutiones nostras de instructione Officiorum) in electionibus, si præsens fuerit, Electores dirigere modestè, charitativè, & religiosè eos monendo, hortando, & instruendo, imò etiam suaviter suadendo ad eligendam personam digniorem, & magis idoneam Capituli, ipsius virtutes veras, & regimini necessarias ostendendo, & quando obfuerit, per litteras ad Capitulum, & Electores missas, dirigendo. Quamvis jure nostrarum Constitutionum capite quinto distinctionis secundæ Magister Generalis possit dispensare cum Fratribus in nonnullis rebus aliquas gratias, & exemptiones (absque tamen aliorum præjudicio) Religiosis concedere, nihilominus tamen, ut cessent multa inconvenientia, quæ experientia magna esse comprobavit, Magistro Generali imposterum illas concedere, vel cum fratribus dispensare minimè licebit: Expofuit tamen prædictum Generale Diffinitorium, quod poterit Generalis Magister declarare, aliquos frui exemptionibus (quas reales

appellat prædictum Generale Diffinitorium) illis scilicet, quibus ratione Officii, gradus, & antiquitatis quadraginta annorum in Religione gaudere possunt tam juxta Constitutiones nostras quam Sanctæ Sedis Decreta, necnon & aliorum Capitulum Generalium.

Item decrevit, quod jus eligendi Provinciale devolvatur in Magistrum Generalem, casu quo Electores in Capitulo congregati infra tres dies à primo Electionis inclusivè de persona eligenda non convenerint, vel electio non fuerit facta juxta Sacros Canones, Constitutiones, & Decreta Ordinis, jureque cassanda venerit, tunc namque Magister eligit Provinciale. In cæteris verò electionibus forma nostrarum Constitutionum observari debet.

Item decrevit, quod qui fuerunt Magistri Generales habeant immediationem Magistro Successori, & locum immediatum Prælati, & in omnibus Congregationibus, tam Generalibus, quam Provincialibus cujuscumque Provinciae, in qua tempore convocationis interfuerint, Vocem, & Votum electivum, & decisivum habeant sicut quilibet ex Diffinitoribus, & Electoribus dictæ Congregationis, similiterque locum immediatum Præfidi.

Item confirmavit, & approbavit prædictum Generale Diffinitorium, quod Capitulum Generale Toletanum statuit erga Vicarios Generales Indiarum, nempe quod prædicti Vicarii Generales Indiarum iustis de causis possunt à Magistro Ordinis ab Officio amoveri, eorumque regimen debet esse juxta nostrarum Constitutionum tenorem, qui nequeunt nominare Commissarios Generales in eorum absentia, præcipuè in illis Provinciis, in quibus saltem ad unum Conventum pervenerint, sed liberum relinquunt regimen Patribus Provincialibus, nisi ob casum, & gravem causam ad Visitationes moventem, quam per propriam personam facere nequeant. Quod si fecus fiant prædictæ nominationes, nullius valoris, aut roboris esse declaramus. Et quamvis tales Vicarii Generales possint confirmare, & annullare Capitula Provincialia, & Provincialium electiones, minimè tamen poterunt eas annullare, similiterque nec suspendere, vel privare Provinciales valebunt, nisi prius legitima causa juridicè acta, & conclusa. Et in casu quo poena suspensionis debeat imponi, prius duos Prælatos, seu Diffinitores consulere tenentur, ad privationem verò quatuor. Hac forma sententia producta à Vicario Generali, & quatuor Diffinitoribus, habeat effectum executivum qualibet appellatione interposita, & cum eisdem Diffinitoribus, quorum consensu Provinciale privaverit, vel suspendit, Vicarium eligat Provinciale, ne Provincia maneat orbata gubernio.

Præterea prædictum Generale Diffinitorium approbavit, & confirmavit, quod Capitulum generale Murcienfe decrevit erga prædictos Vicarios Generales Indiarum, nempe quod deficiente Provinciali absque nominatione Vicarii Provincialis, non poterunt hujusmodi Vicarii Generales Indiarum nominare Vicarium Provinciale, sed succedere debet in officio Comendator domus, ubi celebrandum est Provinciale Capitulum immediate futurum, & suo Ordine Diffinitores. Tamen prædicti Vicarii Generales Indiarum ratione sui Officii habent jus convocandi ad celebrationem Capituli Provincialis, in eoque præsidendi. Habent similiter suffragium in omnibus electionibus, & Diffinitoriis intra Capitulum.

Insuper prædictum Generale Diffinitorium approbavit, & confirmavit Decreta Capituli Generalis Toletani, quo decernitur, quod prædicti Vicarii Generales Indiarum non possunt vocare Religiosos Doctrinarios ad visitationem extra,

Vicarii Generalis Indiarum.

Doctrinarij.

suam doctrinam, nec ipsi ita vocati tenentur adire, sed in eisdem doctrinis debent Vicarii Generales, vel eorum Visitatores ab ipsis rationem petere. Nec extra prædictam Visitacionem possunt Doctrinarios privare, sed hoc fiat præcedente causa legitima, qua juxta nostras Constitutiones privantur Commendatores suis Commendis. Et nunquam Doctrinarij à sua doctrina decedant, usque dum successor advenerit. Præterea cum ex nostris Constitutionibus capite decimo tertio secundæ distinctionis electio Procuratoris Generalis Ordinis in Curia Romana pertineat ad Magistrum Generalem, & Generale Capitulum, hoc prædictum Generale Diffinitorium confirmavit, quod Generale Capitulum Murciense decrevit, nempe, quod si post factam nominationem prædictam tale Officium Procuratoris Generalis Ordinis in Curia Romana vacaverit, per mortem, renunciationem, privationem, vel per aliam legitimam causam, Jus nominandi de novo penes prædictum Magistrum Generalem maneat.

Præcedentia Procuratoris Gen.

Insuper confirmat prædictum Generale Diffinitorium, quod Capitulum Generale Murciense decrevit, videlicet, quod talis Procurator Generalis, qui ad Magistrum ascenderit ex præsentatura juxta Decretum Capituli Generalis Toletani confirmatum à Sanctiss. D. Urbano VIII. optionem habeat loci inter Magistros suæ Provinciæ cum præcedentia ad omnes, qui in ea ad talem gradum fuerint promoti post ipsum, si alias habet conditiones, & requisita juxta Constitutiones, & decreta Apostolica ad Magistrum de Justitia obtinendum, quod si prædictis qualitatibus fuerit destitutus, locum habeat immediatum omnibus Magistris del numero. Denique si fuerit Magister, & juxta superius dicta suffragatus fuerit in Capitulo generali gratis, & exemptionibus eorum, qui fuerunt Provinciales gaudebit absque optione tamen præcedentiæ, ad eos qui postea fuerint Provinciales. Præterea prædictum Generale Diffinitorium statuit, quod eadem forma, ac prædictus Procurator Generalis in Curia Romana nominatur, nominetur etiam Procurator Generalis in Curia Regia ad negotia, quæ in ipsa sese obtulerit, peragenda, approbans in hoc, & confirmans antiquam Religionis consuetudinem.

Insuper approbavit, & confirmavit, quod statutum fuit in Capitulo generali Murciensi, nempe, quod triennium Officii Provincialis computari debet secundum annos Ecclesiasticos, non juxta Solares, itaut regulariter celebretur Capitulum, & electio novi Provincialis Sabbato ante Dominicam, in qua per triennium ante fuerat celebratum Capitulum. Et similiter confirmavit decretum Capituli Generalis Murciensis, quo statuitur, quod si per duos menses ante complementum triennii non fuerint literæ convocatoriæ Magistri Generalis notificatæ Provinciali Provinciæ in qua celebrandum est Capitulum, poterit Provincialis litteras suas convocatorias expedire, secus tamen si à Magistro fuerint expeditæ. Quod si nullæ fuerint notoriæ factæ Vocalibus, sciant se esse convocatos ad celebrationem Capituli, die quo juxta dicta supra expletur triennium. In Capitulo autem Provinciali primam Vocem habeat Magister Generalis, vel ille qui ejus loco præsidet. Præter assignatos à Constitutione etiam habent vocem in Capitulo Diffinitores Provinciæ dummodò sint per triginta annos à Professione antiqui, & Procuratores generales cujuscumque Provinciæ, juxta Decreta plurimorum Capitulorum Generalium, quæ à Capitulo generali Murciensi, & ab hoc approbata, & firmata sunt.

Præterea approbavit, & confirmavit prædictum Generale Diffinitorium declarationem Capituli Generalis Murciensis erga caput sextum secundæ distinctionis nostrarum Constitutionum, ubi agi-

tur de nominatione Vicarii Capituli Provincialis, decernit igitur, quod ubi dicitur: Provincialis nominet in Vicarium Capituli, ponatur, Præses Capituli, sub hoc enim titulo declaretur Jus Præsidentis Capituli; modo Magister Generalis sit, ejusque Vicarius, aut Provincialis, seu quicumque præfuerit dicto Capitulo, idemque servandum est in alijs Capitibus, & ubicumque agitur de Provinciali tamquam Præsede, ut omnino tollatur æquivocatio.

Insuper decrevit prædictum Generale Diffinitorium approbans, & confirmans statuta Capituli Generalis Murciensis, quod ad electionem Capituli Provincialis omnes Vocales conveniant in Domo assignata celebrationi Capituli in Vigilia Vigiliæ Dominicæ Cantate, vel alterius Dominicæ à convocacione Capituli designatæ (semper enim electiones in Sabbato fieri debent) nullusque locum Capitularem ingrediatur usque dum ad sonitum Campanæ omnes vocentur. Et eodem die, ut consuetudinis est in Religione nostra Vespertina sessione omnes congregentur, & à Præsede Capituli aliqua brevi, & eleganti Oratione finis, ad quem convenierint, proponatur, simulque eos ad electionem novi Provincialis exhortetur. Deinde referat omnes Fratres per triennium defunctos in illa Provincia: & statim surgat, & dicatur. De profundis &c. ut habetur in Constitutionibus. Deinde ad qualificationem, seu examen eorum, qui in tali electione vocem, & suffragium habent, procedatur, fiatque legitima, & canonica regulatio omnium juxta formam Constitutionum. Die sequenti ad auroram omnes Vocales simul ingrediuntur Capitulum, & servetur forma Electionis, prout in Constitutionibus. Et Electores Capituli Provincialis teneantur intra triduum convenire in persona eligenda, & legitime, ac canonicè eligere Provinciale, aliàs devolvitur Jus ad Magistrum Generalem. In alijs verò Electionibus, omnes præsentent suffragia juxta formam nostrarum Constitutionum. Et si persona electa in Provinciale fuerit absens à Provincia, poterit Magister Generalis de consilio Diffinitorum nominare Vicarium Provinciale ad Regimen Provinciæ cum omnimoda facultate à nostris Constitutionibus Vicariis Provincialibus concessa, quem Provincialis electus revocare non poterit, nec de novo alterum nominare, usque dum suam Provinciam ingrediatur. Post electionem verò Provincialis, & Juramentum ab ipso præstitum omnes à Capitulo Processionaliter egrediantur, & ad Ecclesiam procedant, cantando Hymnum, Te Deum &c. ubi prostratus Provincialis electus accipiat Benedictionem à Præsede, ut ex antiqua Religionis consuetudine fit juxta formam capiti quarti secundæ distinctionis nostrarum Constitutionum de electione Magistri contentam, Magister autem Generalis tenetur confirmare electionem Provincialis, canonicè, & juxta formam nostrarum Constitutionum factam, quod si renuerit illam confirmare, causas, & defectus canonicos erga electionem, vel personam electam, manifestare debet. Provincia autem Galliæ, & Italiæ infra tempus quatuor Mensium tenentur præsentare coram Magistro generali electionem sui Provincialis, quod si infra dictum tempus eam non præsentaverint, electio sit irrita, & nulla.

Insuper decrevit prædictum Generale Diffinitorium, approbans, & confirmans, quod statutum fuit in prædicto Capitulo generali Murciensi nempe, quod Provincialis per tempus duorum mensium ante celebrationem Capituli Provincialis non potest privare Commendatores à sua Commenda, licet possit eos ab Officio suspendere usque ad celebrationem Capituli in quo votum, & suffragium habebunt. Et quamvis Pro-

Electio Capituli Prov.

vincia-

vincialis jure Constitutionum in aliquibus casibus possit nominare Vicarium Provinciale, in hoc tamen jure, & facultate non succedit Vicarius Provincialis, etiam si sit in capite, seu casu quo morte, vel alio titulo defecerit, in Officio Vicarii Provincialis succedent, qui jure nostrarum Constitutionum sunt vocati, Provincialatu vacante, absque substitutione Vicarii Provincialis usque dum Magister Generalis si fieri potest, erga hoc provideat: Etsi Provinciale mori contingat, absque eo, quod nominet Vicarium Provinciale in sui Officii Successorem, tunc temporis sit in libera potestate Magistrum Generalem confirmare in Vicarium Provinciale talis Provincie Commendatorem Domus futuri Capituli Provincialis. Vel si maluerit, alium ex Patribus ad dictum Officium ab ipsis Constitutionibus vocatis, vel quemvis alium ex tota ipsa Provincia pro suo arbitrio, prout melius judicaverit: Et in hoc sensu sunt legitime intelligenda verba Constitutionis Capite septimo secundae distinctionis, ubi sic: Vel in eo casu Magistrum provideat in illa Provincia quisquis debeat esse Vicarius Provincialis, hujuscemodi autem declaravit praedicta verba Capitulum Generale Bilibitanum, in hac autem facultate nominandi Vicarium Provinciale minime succedit Vicarius Generalis totius Religionis, cum illi non liceat electores mutare, aut novos eligere ad Capitulum Generale.

Quod si tempore sui Gubernii Provincialis mori contingat absque nominatione Vicarii Provincialis, sit ejus Successor Commendator domus ubi celebrandum est Capitulum Provinciale immediate futurum, & suo ordine Diffinitores juxta nostras Constitutiones. Praeterea decrevit praedictum Generale Diffinitorium similiter confirmans statuta praedicti Capituli Generalis Murcienfis, quod si Provincialatus vacaverit per renunciationem, non poterit Provincialis renunciare successorem Vicarium Provinciale nominare, sed succedant in tali Officio à Constitutione nominati eo ordine, quo Decreto antecedenti est exposita, & declarata Constitutio. Si autem Provincialis fuerit impeditus bello, peste, vel alio titulo, taliter, quod per se, neque majorem partem Provincie gubernet, neque pro illa Vicarium Provinciale instituerit, qui ejus loco moderamini Provincie invigilet, poterit Magister Vicarium Provinciale nominare cum omnimoda facultate, juxta nostras Constitutiones, usque dum Provincialis gubernio sit expeditus, vel Vicarium suum instituat. Et quamvis Provincialis infirmitate, absentia, vel alio titulo impeditus Vicarium Provinciale juxta facultatem nostrarum Constitutionum instituerit, non intelligatur talem Vicarium morte succedere in Officio, nisi id specialiter in litteris Patentibus declaratur, sed tunc temporis succedant nominati à Constitutionibus, veluti si nullum Vicarium, & Successorem nominasset.

Insuper decrevit praedictum Generale Diffinitorium, quod Provinciali, vel Vicario Provinciali in capite omnino impedito, tempore quo ad Capitulum Generalem celebrationem instante, ejus loco vocem habeat in electione Magistrum Generalis (ne sua Provincia hoc suffragio orbetur) qui jure nostrarum Constitutionum ad Officium Vicarii Provincialis est vocatus, nempe Commendator Domus, ubi celebrandum est Capitulum Provinciale proxime futurum, vel Diffinitores Provincie, servato ordine antiquitatis. Praeterea cum ex antiqua Ordinis consuetudine à pluribus Capitulis Generalibus approbata, & stabilita fiat electio quatuor sociorum Provincialis ad suffragandum in Capitulo Generali, duorum nempe Diffinitorum Generalium, & duorum Electorum, praedictum Generale Diffinitorium decrevit, confirmare Decretum Capituli Generalis Mur-

ciensis, quod in capite octavo secundae distinctionis nostrarum Constitutionum, ubi dicitur: Fiat electio duorum sociorum ipsius Provincialis, dicatur: quatuor sociorum, quae electio fieri non poterit ex eis, qui fuerunt ad tale munus in Capitulo Provinciali proxime antecedenti, nempe sub eodem titulo, quapropter qui fuerunt Diffinitores, poterunt eligi in Electores, & è contra.

Praeterea praedictum Generale Diffinitorium confirmans similiter statuta praefati Capituli Generalis Murcienfis, decrevit, quod si quis Diffinitor, aut Elector Generalis infirmari contigerit, aut si aliqua causa impeditus instante tempore celebrationis Capituli Generalis, poterit Provincialis simul cum Diffinitoribus Provincie, alterum illius loco eligere, & substituere, etiam si legitime impeditus, titulum suum renunciare noluerit, absque praedictio tamen juris ejus, si forte impedimentum ceffaverit, & Capitulo interfuerit, tunc enim jure suo gaudebit, ac electioni suffragabitur, etiam si alter ejus loco electus fuerit, & si Diffinitor Provincie ab illa abfuerit, & Diffinitorium pro emergentibus casibus sit congregandum poterit Provincialis simul cum aliis Diffinitoribus loco absentis alium eligere, qui vocem in Diffinitoris habeat.

Insuper praedictum Generale Diffinitorium, simul confirmans statuta Capituli Generalis Murcienfis decrevit, quod in Diffinitorio Capituli Provincialis faciendo post electionem Provincialis, conveniant Praesidens Capituli Provincialis Electus, & Provincialis, vel Vicarius Provincialis absolutus, & quatuor Diffinitores Provincie, qui omnes suffragium decisivum habent, tam in electionibus commendatorum, quam in decretis, quae pro bono regimine, & Provincie reformatione statuuntur, & Provincialis absolutus, vel Vicarius Provincialis, habeat locum immediatum à dextris Praesidentis in omnibus Congregationibus, usque ad absolutionem Capituli Provincialis, Absolutus, vel ejus Vicarius, seu Visitator manifestare debet Diffinitorio, quae ex suis Visitacionibus reformatione digna repererit, & notaverit, ut praeserventur, vel corrigantur, prout convenientius visum fuerit: Causaeque omnes, Informationes, & Processus in suo triennio formatos, teneantur Successori tradere, minimeque comburantur, nisi eorum Fratrum, qui è vita jam decesserint, quapropter in capite novo secundae distinctionis nostrarum Constitutionem consequenter delenda sunt verba illa, nempe: Provincialis de Consilio Diffinitorum &c. & ponenda sunt haec: Praesidens Capituli de Consilio Provincialis electi, & absoluti, ac Diffinitorium, &c. & similiter in capite decimo ejusdem secundae distinctionis delenda sunt verba illa, Postea solus Provincialis, &c. & ponenda haec: Postea solus Praesidens Capituli cum Provinciali electo, Provinciali absoluto, & Diffinitoribus &c. Insuper decrevit praedictum Generale Diffinitorium, quod si in his, quae à Diffinitorio Provinciali decernuntur, suffragia sint divisa in partes aequales, praevalet pars, cum qua concordaverit Praeses, quod etiam est observandum, quoties in decursu triennii ad aliquid decernendum Diffinitores convenerint. In electionibus vero jus nostrarum Constitutionum, ut ritè, & canonicè fiant, servari debet. Si tamen Diffinitores congregati infra tres dies (à prima electionis inclusive) de persona eligenda non convenerint, devolvitur in Magistrum Generalem jus eligendi, sicut in electione Provincialis.

Insuper decrevit praedictum Generale Diffinitorium, quod in capite undecimo secundae distinctionis nostrarum Constitutionum, ubi dicitur, quarta die, conveniant omnes in Capitulo, addantur sequentia: Ibi que à Praeside Capituli fiat

oratio brevis spiritualis, & devota, qua Prælatos electos in munere sui Officii exequendo instruat, dirigat, & moneat. Deinde à Secretario Capituli eorum omnibus legantur Decreta, & Statuta à Diffinitorio pro majori reformatione ejusdem Provinciae. Ulterius etiam legatur Edictum S. Inquisitionis, ut est laudata, & antiqua consuetudo nostræ Religionis, quibus præpositis, debet continuari prædictum caput, prout in dictis nostris Constitutionibus continetur.

Alternati-
va.

Præterea cum in Provincia Aragoniæ, circa electionem Provincialis servetur alternativa, ita, & taliter, quod una vice Provincialis sit ex Catalonia, vel Sardinia, & alia Vice Regni Aragoniæ, & Navarrae, dummodo reperiat persona habilis, & requisita habens ad Officium Provincialis exercendum, & prædicta alternativa debeat pensari non penes originem, & filiationem naturalem, sed juxta Professionem in Religione, taliter, quod qui Professionem emisit in Conventibus Aragoniæ, vel Navarrae, poterit esse Provincialis in ejus alternativa, etiam si natione sit Catalanus, & e contra, ut quælibet occasio præjudicii cuicumque parti penitus evellatur, prædictum Generale Diffinitorium decrevit, ac declaravit quod nemini faveat adoptio in Conventibus alicujus partis, ut illius alternativa gaudere possit, sed semper debet pensari penes filiationem ex reali professione emissa.

Insuper prædictum Generale Capitulum decrevit, quod Patres Redemptores Provinciarum Aragoniæ, & Valentiae, dum ad redimendos Captivos proficiuntur, simul eant, neque aliqua inter eos sit Superioritas, sed unusquisque suum librum deferat, ubi adnotabit omnia ad Redemptionis munus pertinentia, sicut Redemptores Castellæ, & Vandalæ faciunt. Præterea approbavit, & confirmavit, quod statutum est in Capitulo Generali Murcienfi, nempe, quod in qualibet Provincia expensis ipsius, Carceres designentur, in quibus Religiosi pro qualitate criminum detineantur, & purgentur, & juxta decretum Sanctissimi Urbani VIII. eorum incorrigibilitas tentetur: pro expensis verò tam ad formationem Carcerum, quam ad sustentationem delinquentium Conventus Provinciae juxta dispositionem Provincialis contribuant, & in qualibet Provincia depositum instituantur, in quo Processus, & causæ Religiosorum serventur, simulque formetur liber, in quo notentur causæ, seu Processus, ita ut registrati maneant, quæ omnia Provinciales Successoribus suis fideliter conferre tenentur.

Præterea prædictum Generale Diffinitorium approbavit, & confirmavit declarationem factam à Capitulo Generali Murcienfi erga Consiliarios Conventuum, de quo agitur capite decimo tertio secundæ distinctionis nostrarum Constitutionum, videlicet, quod in quolibet Conventu Ordinis omnes Patres graduati, debent esse Consiliarii, & ut tales teneri, & ubi non fuerint tres graduati, Vicarius Conventus, Prædicator Conventualis, & Magister Novitiorum sunt in Consilium vocandi, semper tamen supponendum est, quod si aliquis graduatus ibi degerit, vocandus sit, & juxta hunc tenorem prædictum Caput ordinari debet. Præterea approbavit, & confirmavit prædictum Generale Diffinitorium, quod statutum est à Capitulo Generali Murcienfi erga dispositionem capitis quintodecimi secundæ distinctionis nostrarum Constitutionum consequenter ad alia statuta supra posita, nempe quod prædictum caput tenore hujuscemodi incipiat: Commendatores Domorum Ordinis nostri à Præsidente Capituli, ac provinciali electo, & provinciali absoluto, simulque cum quatuor Diffinitoribus provinciae designentur, & provideantur.

Insuper approbavit, & confirmavit Decretum

Capituli Generalis Murcien. quo statuitur, quod Commendatores intra triennium Religiosis omnibus Conventualibus Vestuarium præstare tenentur sub pena privationis Vocis activæ, & passivæ in Capitulo proxime futuro, etiam si alii Magistri, vel Præsentiati extiterint. Commendatores autem observare tenentur motum proprium Sanctissimi Urbani VIII. circa bona Ecclesiæ non alienanda, & juxta hoc debet disponi tenor clausulæ prædicti capitis quintodecimi erga prohibitionem prædictæ alienationis, firmo, ac servato supradicto capite decimoquinto.

Præterea cum ex Decreto Sanctissimi Domini Clementis VIII. nullus in Priorem Domus Barchinonensis possit eligi, nisi fuerit Magister, vel ad minus Præsentiaturæ Gradu insignitus, & electio aliter facta, irrita sit, & nullius valoris; Capitulum Generale Murcienfe de anno millesimo sexcentesimo trigesimo sexto declaravit, ac decrevit debere esse talem præsentaturam de lektura & de numero Provinciae, quod statutum hoc prædictum Generale Diffinitorium approbavit, & confirmavit, præterea cum in Capitulo Generali Toletano decretum sit, quod Prior Barchinonensis (qui ex jure nostrarum Constitutionum vacante Generalatu ante expletum sexennium in Officio Vicarii Generalis cum plena jurisdictione succedit) si quando dictum Vicariatum adierit, sit solum Præsentiatus ipso facto Magister (ob officii gravitatem, & regimen totius Religionis habeatur, nominetur, & sit, quod Decretum confirmatum fuit à Sanctissimo Domino Urb. VIII. nunc prædictum Generale Diffinitorium declarat, quod ut talis Magister teneatur, & inter Magistros suæ Provinciae locum habeat, si per undecim annos in lektura artium, & Sacræ Theologiæ cum approbatione Diffinitorii dictæ Provinciae se exercuerit: locus autem antiquitatis computari debet à die, qua Vicariatu Generali functus fuit, decernitque prædictum Generale Diffinitorium, quod si Magister de numero suæ Provinciae fuerit, cum fungi aggreditur dicto Vicariatu Generali, exemptionibus Provincialis (sicut si prædicto munere functus fuisset) gaudeat, cum præcedentia ad cæteros Magistros suæ Provinciae, & loco immediato, omnibus, qui fuerunt Provinciales, & erunt.

Præterea decrevit prædictum Generale Diffinitorium, quod Visitator diligenter in Visitationibus suis curet de bonis, & elemosynis pro Redemptione Captivorum; provideatque ut in omnibus Conventibus Procuratores, sive Commissarii Redemptionis pro ipsis elemosynis, colligendis sint destinati Religiosi, zelo, & charitate ferventes, & eos, quos negligentes in tali munere repererit, suis officiis privet, & pœnis pro suo arbitrio puniat, aliosque loco ipsorum substituat. Similiter diligenti cura provideat de aliis officiis, de Vicario, Procuratore, Magistro Novitiorum, Depositariis, & Sacrista: Insuper Visitatores in suis Visitationibus summo perè inquirent, si Commendatores à sui subditis munera aliqua accipiant. Quod si (proh dolor) eorum aliquos munerum amatores invenerint, eos propriis Commendis privent, eandemque similiter faciat inquisitionem Magister Generalis per totum Ordinem, tam circa ipsos Commendatores, quam circa Provinciales, quod si donorum receptores invenerint (præcipue ab illis, quibus Officium, vel Commendam contulerint) hos omnes, & singulos, tam Commendatores, quam Provinciales propriis Officiis privet, ipsos etiam publicis pœnitentiis, & castigationibus omni, & summo cum rigore adstringendo, ut illis in correctionem, reliquis verò fratribus sit in exemplum.

Insuper decrevit prædictum Generale Diffinitorium sub pœna privationis vocis activæ, & pas-

si vā per decennium, & reclusionis per biennium, ac gravioris culpæ quod nullus ex nostris Religiosis possit recusare in suis causis Prælatos legitimos, & Ordinarios, nec recusatio sit valida, si illam faciat donec per duos ex Patribus Commendatoribus propinquieribus, vel per duos Patres Diffinitores videantur infra terminos, & tempus à Sac. Can. & Concil. præfixum, & statutum causæ recusationis, an fuerint sufficientes, interim autem donec infra terminos, & tempus à Sac. Can. & Concil. præfixum, & statutum causæ recusationis discutiuntur, Prælati recusati suspendere debent excusationem causarum, ac similiter statuit sub pœna privationis vocis activæ, & passivæ in perpetuum, & inhabilitatis perpetuæ ad obtinendum quodlibet Officium, ne literæ deprecatorie impetrentur à Religiosis per se, vel per interpositam personam directè, vel indirectè ad obtinendum aliquod Officium vel munus nostri Ordinis, neque ad id favoribus personalibus utantur.

Præterea approbavit, & confirmavit prædictum Generale Diffinitorium Decretum Capituli Generalis Murcienfis, nempe quod qui semel professionem emisissent, & ad sæculum quælibet ex causa regressi sunt ulterius non possint admitti de novo ad Religionem, nisi de licentia Magistri Generalis, vel nisi in articulo mortis humiliter Habitum, & Professionem petierint non tamen, ut inter nos iterum commoerentur. Insuper statutum fuit, quod Religiosi Sacerdotes iter agentes, ubicumque occasionem Sacrum celebrandi receperint, non prætermittant, nullque Religioso, causa infirmitatis detur licentia de Monasterio exeundi ad Domos sæculares, super quo conscientia Prælatorum onerantur, ut decrevit Generale Capitulum Murcienfe.

Præterea approbavit, ac confirmavit prædictum Generale Diffinitorium, quod decretum fuit à prædicto Capitulo Generali Murcienfi, nempe quod nullus Religiosus audeat ingredi Curiam Regiam, nisi immediatè post duodecim horas Commendatori Conventus Matritensis se præsentaverit. Quod si aliquis contrarium fecerit, à Commendatore incarcerationetur, donec à Provinciali veniam recipiat.

Præterea approbavit, & confirmavit prædictum Generale Diffinitorium decretum Capituli Generalis Toletani à Capitulo Generali Murcienfi similiter approbatum, & confirmatum, videlicet, ut nullum negotium ad bona temporalia Conventuum pertinens, quod Patribus in Capitulo proponi necessum sit, eodem die, quo proponitur, resolvatur, sed in diem sequentem eius resolutio differatur. Præcipiturque Patribus Commendatoribus in virtute Sanctæ Obedientiæ, & sub pœna privationis officiorum, ne in contrarium hujus Decreti quidquam agant, idque observetur quotiescumque re gravi, cujuscumque materiæ illa sit, proposita Conventui, aliquis ex Fratibus affirmet se ad illius resolutionem consultatione, & studio indigere, & sub eisdem pœnis præcipitur Commendatoribus, ne supplicat, & petitiones, quæ pro negotiis Conventuum mittuntur ad Superiores subscriptis nominibus Religiosorum, subscribere compellant, quin prius in Capitulo pleno legantur, ibique publicè ab omnibus subscribantur; & sub pœna gravio ris culpæ per duos menses præcipitur Religiosis, ne aliter prædictas petitiones subscribere audeant, vel præsumant, ut decretum fuit in prædicto Capitulo Generali Murcienfi. Cum ex Decreto Sanctissimi Domini Clementis Octavi nemo ad Præsentaturam exponi possit, qui non legerit (ultra tres annos Logicæ, & Philosophiæ) duos alios Theologiam Scholasticam, assistendo conferentis, & aliis actibus pro Magisterio designandis, similiter nullus ad Magisterium assumi, qui non legerit

quotidiè unam lectionem Theologiæ Scholasticæ per spatium sex annorum supra illos quinque; ad Præsentaturam requisitos, & quod de sero semper adfuerit conferentis, aut præsidendo, aut replicando, & unoquoque anno præsiderit alicui actui publico, seu publicis disputationibus prædictum Generale Diffinitorium decrevit, & declarat, quod si Lectores in Cathedra alicujus Universitatis (de licentia tamen Superiorum) fuerint occupati sive in lectione continua Artium, sive Sacræ Theologiæ per spatium quinque, vel undecim annorum ad Præsentaturam, vel Magisterium assumi possunt. Præterea cum juxta Decretum Capituli Generalis Toletani à Sanctissimo Urbano VIII. confirmatum, nullus ad Lecturam Artium, vel Sacræ Theologiæ promoveatur nisi facta oppositione, in qua per horam de materia sortita per viginti quatuor horas antecedentes publicè legat, & per spatium alterius horæ argumentis oppositorum satisfaciatur, quo, examine acto, tanquam sufficiens approbetur, prædictum Generale diffinitorium declaravit, quod si prædicta approbatione omissa in Lectura aliqua se exercuerit nullus esse valoris ad prædictos gradus obtinendos, obtentioque eorum nulla, & irrita sit: prædictum autem examen decrevit Capitulum Generale Murcienfe, quod fieri debet in materia Lecturæ ad quam promovetur, nec sufficit approbatio ad Lecturam Artium, ut pro Theologia approbatus quis judicetur, nec è contra, & anni prædicti lecturæ ad gradus obtinendos, debent esse completi, taliter, quod pro uno anno non possint admitti duo cursus, sed singuli singulis annis respondere debent, aliis irritos, & nullos esse quæ omnia prædictum Generale Diffinitorium approbavit, & confirmavit.

Præterea decrevit prædictum Generale Diffinitorium, quod nullus ad gradum præsentaturæ exponatur, nisi prius ad Baccalaureatus gradum in aliqua Universitate sit admissus, vel à Magistro Ordinis, aut à Provinciali suæ Provinciæ sit promotus, prædicta autem requisita ad gradus præsentaturæ, & Magisterii de numero designata minime possunt suppleri per alia merita, exercitia, vel obsequia Religioni exhibita, cujusvis qualitatis extiterint, quod si impofterum, aliqui tales gradus absque prædictis requisitis, & conditionibus receperint, ex nunc tanquam irriti, & nullius valoris esse declaravit Capitulum Generale Murcienfe, in memoriam revocans, & observari præcipiens Bullam Sanctissimi Domini Pauli V. ad hunc effectum specialiter expeditam, salva semper auctoritate Apostolica in prædictis dispensandi. Cum ex Decreto Capituli Generalis Toletani à Sanctissimo Domino Urbano Octavo confirmato, probationes, seu informationes annorum lecturæ fieri debeant, immediatè ab ipsis Provincialibus, vel suis Visitatoribus specialiter in scrutinio secreto Visitationum, & publicè per testimonia sanioris partis Conventus, itaut ad hunc effectum Commissionem, nec cui possit tribuere, nisi tempus celebrat onis Capituli inflet, & ad tales Conventus Provincialis non possit pervenire, prædictum Generale Diffinitorium decrevit, & declarat quod probationes, & informationes lecturarum supra dicto modo factæ præsentari tenentur in Capitulo Provinciali coram Diffinitorio, & ibidem examinari, & approbari, quæ approbatione dignæ reperitæ fuerint. In quo examine habeant jus se opponendi Lectores quilibet, qui rationes aliquas in contrarium proponendas habuerint. Præterea cujusmodi approbationes hoc rigoroso examine à Diffinitorio factæ non judicantur sufficientes ad confirmationem, sive præsentaturæ, sive Magisterii, sed ulterius requiritur, ut à Diffinitorio intra Capitulum penes, quod est jus, & facultas (cum aliàs commode fieri non possit) ad tales gradus exponatur. Et cum nullus

exponi possit, nisi in vacante determinata ex Decreto Sanctissimi Domini Pauli V. nec confirmari, nisi prius sit expositus, poterit Diffinitorium Provinciale (ne gradus suspensi per longum tempus maneant, ex quo plura prævidentur bono regimini imminuentia damna) Magistro Generali facultatem concedere ut exponat unum ex approbatis, quem maluerit, quocumque tempore vacatio gradus accidat. Insuperque dictus Magister Generalis extra Capitulum Generale loco, & vice talis Capituli, potest confirmare in gradibus Præsentaturæ, Magisterii quotiescumque aliquem vacare contigerit, quemlibet ex admisis ritè, & ut fas est, à Diffinitorio Provinciali juxta Decretum Sanctissimi Domini Pauli V. Et hac eadem auctoritate gaudet Prior Barchinonensis, & quilibet alius, dum Officio Vicarii Generalis totius Religionis fungitur, juxta Decreta nostrarum Constitutionum.

Præterea decrevit, & declaravit prædictum Generale Diffinitorium, quod in cap. 25. distinct. secundæ nostrarum Constitutionum, ubi dicitur, quod solum sunt admittendi ad Magistrerium, qui fuerint in conclusionibus publicis in Capitulo Generali, vel Provinciali approbati, addendum est: aut saltem in aliquo nostri Ordinis Collegio, sive Conventu studiorum.

Insuper prædictum Generale Diffinitorium statuit, ac ordinavit, quod Magister Generalis in confirmatione gradus Magisterii designet aliquem Magistrum confirmatum in Promotorem ad talem gradum forma nostrarum Constitutionum conferendum, à quo promovendus solemniter gradum recipiat intra duos menses post confirmationem: aliter autem maneat ipso facto tali gradu privatus.

Præcedentis.

Præterea hoc prædictum Generale Diffinitorium decrevit juxta Decretum Capituli Generalis Tolentani à Sanctissimo Domino Urbano Octavo confirmatum, & similiter juxta Decreta Capituli Generalis Murcienfis, quod ut omnino deinceps litigia circa ordinem sedendi evitentur intra Magistros, & Præsentatos, fervetur ordo juxta gradus, non vero professionis antiquitatem. Diffinitores Provincie, & Diffinitores, ac electores Generales, si sint Magistri, præcedant omnes alios Magistros, si vero Magistri non fuerint, sint Magistri immediati, etiam si non sint præsentati, inter ipsos tamen ordo antiquitatis fervetur, hæc ita sunt extra Capitulum, intra Capitulum verò si sit Provinciale, Diffinitores Provinciae antecedunt omnes excepto Præfidenti, & Provincialibus electo, & absoluto. In Capitulo verò Generali, Provinciales sunt immediati Præfidenti juxta Provinciarum antiquitates, deinde Prior Barchinonensis, si non præfideat, postea Procurator Generalis in Curia Romana, postea Diffinitores Generales, juxta antiquitatem suarum Provinciarum, & denique eodem ordine succedant omnes Electores Generales, Prior verò Barchinonensis, qui Vicarius Generalis totius Ordinis fuerit intra Provinciam Aragonie, si fuerit Magister, omnes alios Magistros præcedat, si autem Præsentatus omnes alios antecedit Præsentatos. Patres autem Provinciales servant inter se Provincialatus sui antiquitatem, etiam si alio fungantur officio. Socii Magistri Generalis locum habeant immediatum Patribus Provincie, in qua extiterint, itaut omnes Magistros præcedant. Patres graduati aliarum Provinciarum in quacumque Provincia, de licentia Superiorum extiterint, si immediati Graduati talis Provincie, itaut si fuerit Magister immediatus, omnibus Magistris, & si Præsentatus, omnibus Præsentatis.

Cum ex decreto Sanctissimi Domini Clementis Octavi bona stabilia, & ad legitimam fratris è vita decedentis pertinentia, quæ juxta Constitutionem spectabant ad Domum ubi Professionem emisit, sint conferenda, & veniant in jus Mona-

sterii, ubi talis Religiosus Habitum Religionis suscepit: prædictum Generale Diffinitorium inhærendo Statutis Capitulum Generalium Hobrensis, Burtinensis, & Murcienfis, statuit & decrevit, quod bona mobilia sic distribuuntur: Habitibus, & vestibus inter Religiosos magis indigentes: Libri verò à Magistro, vel Provinciali, Conventibus studiorum (prout melius expedierit) impertiantur, alia tamen bona (si quæ fuerint) solutis ante omnia debitis defuncti, in quatuor partes æquales dividantur, quarum prima Conventui, in quo Habitum suscepit, tribuatur, altera Provinciali pro expensis Provincie conceditur, alia in Custodia Religiosi à Magistro Generali designati, pro sumptibus ejus, ubicumque extiterint, reponatur: Ultima denique ad Magistrum pro expensis sui Officii, & negotiis Curie Romanæ, mittatur. Denique propositum fuit prædicto Generali Diffinitorio, quod alias in Capitulo Generali Barbastrensi ad infantiam Eminentissimi Domini Cardinalis de Lugo nostræ Religionis Protectoris fuerat decretum, videlicet; ut ad unguem matura inquisitione nostræ Constitutiones examinentur, & judicii trutinæ perquirantur, nam multa cum in illis reperiantur obruta, aliaque omisa notentur, quæ sæpius in variis Capitulis Generalibus ad validius Regularis Observantiae fulcrum sunt notata, indigent additione, & explicatione; Quapropter præfatis omnibus diversis sessionibus maturè in hoc prædicto Generali Diffinitorio collectis, & unanimi omnium consensu decretis, & confirmatis, prædictum Generale Diffinitorium auctoritatem suam, & facultatem qua ex vi nostrarum Constitutionum cap. secundo, secundæ distinctionis gaudet, ea meliori forma, via, & modo, quo poterat, & necessarium esset, substituit, & substituere dixit in auctoritatem nostri Reverendissimi Generalis electi, ut nomine totius Generalis Diffinitorii, & Religionis, suppliciter oraret Sanctissimum pro confirmatione horum decretorum, ut efficacius perpetuum observantiam assequantur; eaque, & alia Decreta à Sancta Sede approbata, & confirmata, omniaque illa, quæ per tria Capitula Generalia sunt, & fuerunt approbata, quæ omnia jure nostrarum Constitutionum, ut in earum præmio continetur, vim Constitutionis in toto Ordine habent, & habere debent, recollecta singulis capitibus prædictarum nostrarum Constitutionum adaptentur, & inferantur, & juxta ea prædicta capita disponantur, & corrigantur, omni in consequentia, & contradictione accuratim attendita, & relegata, sicque disposita, nosser Reverendissimum Generalis electus typis mandet, ut quamprimum possit ad omnes Provincias (pro eorum observantia) remittat.

§. 2. Cum autem sicut eadem expositio subjungebat, dictus Franciscus Procurator Generalis, Constitutiones hujusmodi, quò firmitus subsistant, & ferventur exactius, Apostolicæ confirmationis nostræ patrocinio communiti summopere desideret: Nos ipsius Francisci Procuratoris Generalis votis hac in re quantum cum Domino possimus benignè annuere, eumque specialis favore gratiæ profequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodatus existit, & ad effectum præsentium dumtaxat consequentiarum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de memoratorum Cardinalium negotiis, & consultationibus Episcoporum, & regularium præpositorum consilio præinsertas Constitutiones per novissimum Ordinis hujusmodi Capitulum Generale compilatas, ac

Approbatio
prout in Rubric.

à præfatis Cardinalibus visis, & maturè, ac diligenter examinatas, atque in nonnullis emendatas, & in antefcriptam formam ac tenorem redactas, auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus, ac dictas Constitutiones exinde subsecuta earum publicatione per omnes, & singulos dicti Ordinis Religiosos, tam Superiores, quàm subditos respectivè in usum recipi, & perpetuò observari mandamus, & præcipimus.

§. 3. Decernentes easdem præsentibus literas, & Constitutiones præinsertas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit plenissimè suffragari, sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & ordinationibus Apostolicis, necnon prædicti Ordinis, ejusque Provinciarum, ac Conventuum, & locorum Regularium quorumlibet, etiam juramento, confirmatione Apostolica, vel quavis firmitate alia roboratis statutis, consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & ad verbum insertis habentes, illis aliàs in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra adhibeatur, quæ præsentibus ipsis adhiberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 20. Decemb. 1662. Pontificatus nostri Anno octavo.

Constitutio super regimine Superiorum Societatis JESU.

ALEXANDER PAPA VII.

Ad perpetuam rei memoriam.

Debitum Pastoralis officii, Quo Ecclesiæ Catholicæ Regimini divina dispositione præsidemus, exigit, ut paternam dilectorum filiorum Presbyterorum, & Clericorum Regularium Societatis JESU, quæ ab ipsis foundationis suæ primordiis in re Christianæ Religionis juvanda promovendaque Infidelium, & Hæreticorum conversione, & horum pertinacia retundenda, ac Juventute literis, & probis moribus informanda, Christi que fidelibus in viam mandatorum Dei dirigendis (adjuvante Domino) sedulò semper, & fructuosè laboravit, ac etiam nunc strenuè laborat, curam peculiari studio gerentes, illa quæ prospero, felicique ipsius Societatis regimini, & progressui impedimentum adferre noscuntur, è medio tollamus, & abrogemus, sicut magistra rerum experientia suadet, & nos matura consultatione adhibita ad Omnipotentis Dei gloriam salubriter expedire arbitramur.

§. 1. Dudum siquidem postquam à Congregatione quinta generali dictæ Societatis petum fuerat ut ipsius Congregationis auctoritate statuere-

tur, ne Superiorum localium ejusdem Societatis officia ultra triennium continuarentur, dicta verò Congregatio decreverat nullum tempus esse præfigendum, sed servandum esse decretum 87. Congregationis secundæ generalis ipsius Societatis, sel. rec. Paulus Papa V. prædecessor noster, certò sciens totum sanctæ hujus, & nunquam satis laudatæ Religionis stabilimentum in viridi Instituti ipsius, & decretorum super hoc in generalibus Congregationibus ejusdem Societatis editorum observantia consistere, illamque ab impugnationibus, molestiis, & calumniis vindicare, & in sui instituti integritate, puritate, quiete, & pace conservare cupiens, per suas sub plumbo anno Incarnationis Dominicæ 1606. pridie nonas Septembris super Instituti dictæ Societatis confirmatione emanatas literas, supradictas, & alia quæcumque decreta, statuta, & ordinationes, quæ Institutum, & Societatem hujusmodi, illiusque gubernandi rationem quomodolibet concernunt in generalibus Congregationibus confirmavit, ac Præpositum Generalem, cæterosque Superiores Societatis præfata tunc, & pro tempore existentes paternè hortatus est, & monuit, ut observationi dictorum decretorum serio invigilarent, ac eos, qui novitati studentes aliquid contra liberam, & sine ulla triennii, aut certi temporis præfixione Superiorum localium gubernationem per se, vel alios quoscumque quavis auctoritate, & dignitate fulgentes quomodolibet machinari ausi fuissent, tanquam Perturbatores sui Ordinis, & rerum novarum molitores præter pœnas in supradictis decretis contentas, ipsius præpositi pro tempore existentis arbitrio coercerent, corrigerent, & punirent, & aliàs prout in eisdem Pauli prædecessoris literis uberius continetur.

§. 2. Postmodum verò recol. mem. Innocentius Papa X. etiam Prædecessor noster per suas in forma Brevis literas die prima Januarii 1646. expeditas inter alia statuit, mandavit, præcepit, & ordinavit, ut omnes, & singuli dictæ Societatis Provinciales, Visitatores, Præpositi, Rectores, Superiores locales, & alii Officiales jurisdictionem, seu superioritatem habentes quomodolibet nuncupati exceptis Magistris Novitiorum, in eorum respectivè muneribus, superioritatibus, ministeriis, administrationibus, & officiis prædictis quomodocumque nuncupatis per triennium dumtaxat durare deberent, eique elapso triennio hujusmodi eo ipso vacarent, & vacare censerentur, ipsique ad alia quævis ejusdem Societatis muneris, superioritates, ministeria, administrationes, & officia prædicta quomodolibet nuncupata etiam Vice Provincialis, seu Vice Præpositi, vel Vice Rectoris nullatenus eligi, seu assumi, vel deputari valerent, nisi per annum cum dimidio saltem à fine dicti triennii computandum à prædictis muneribus, superioritatibus, ministeriis, administrationibus, & officiis cessassent: Decernentes præmissa omnia, & singula in perpetuum inviolabiliter sub excommunicationis latæ sententiæ, ac suspensionis à divinis, privationis vocis activæ, & passivæ, ac officiorum quorumlibet, inhabilitatisque ad illa, & quævis alia imposterum obtinenda pœnis ipso facto absque alia declaratione tam per mandantes, procurantes, eligentes, & deputantes, quàm recipientes, & exequentes irremissibiliter incumbendis observari debere, neque adversus illa, seu illorum aliquod ipsiusque Innocentii prædecessoris Constitutionem hujusmodi per præpositum Generalem pro tempore existentem, aut quancumque Congregationem etiam Generalem, vel quemlibet alium Superiorem, & Officiale dictæ Societatis, aut ejusdem Innocentii, & pro tempore existentis Romani Pontificis, Sedisque Apostolicæ Nuncios, vel Sanctæ Romanæ Ecclesiæ Cardinales, etiam de latere Legatos, & quovis alios quancumque potestate fungentes un-

quam

Decretum irritans.

Contrariis derogat.

Transumptorum fides.

Dat. P. A. S. die 20. Dec.

CXXXIV.

Edita An. D. 1663.

Exordium.

Paulus V. observari mandat Statuta Societatis.

Mandat Superiores esse tantum triennales.